

COSECHA DI PINDA

ORANJESTAD(AAN)-- Di-
asabra y Diadomingo ultimo,
tabata tin cosecha di pinda na
Sta. Cruz 2-G.

E motor tras e plantacion
aki ta Nono Maduro di 82 aña
di edad.

Desde 1962 Nono a
cuminza planta pinda
despues di ora di trabao.

Plantacion di pinda segun
informacionnan cu reportero
di DIARIO a ricibi for di
Nono, cu ta trata di un trabao
hopi duro.

Bo tin cu cuida e mata di
pinda cu bon awa durante 3
luna largo.

E sitema cu ta worde usa
ta, saca awa for du dama cu
un pomp y esaki ta worde
manda na e tereno riba cual
tin un regenbak grandi.

Na e regenbak aki tin un
pomp di coriente cual ta
pomp e awa pa e tuberianan
riba cual tin sprinkles.

Ora di saca e pinda hopi
famia, bisña y amistadesnan
ta bini hunto na e cunucu y
algun ta ranca e matanan for
di tera y ta yena den pick-up
trecele mas cerca di cas, na
unda nan ta bay sinta den
fresco y kita e pindanan for
di mata.

Esaki ta bay bao di conta-
mento di chascos of cos nan
pa hari ya cu ta un pa un di e
pindanan ta worde ranca for
di mata cual segur no ta un
trabao di u dia pero dos pa
tres dia, cual reportero di
DIARIO mes por a observa
durante weekend.

Ora tin hopi oinda kita, un
par di persona ta bay laba e
pindanan den un baki y tambe
si acaso tin fofu y dañá, nan
ta worde saca afor.

Despues di tur e trabaonan
aki e pindanan ta worde yena
den un saco di plastic pa
bende.

